

永樂大典

卷一萬三千四百

九十五

致備光**致**靈臺**致**華徽**致**李翁**致**樊安**致**賈鳳碑並真**致**程**致**鍾

致虞世**致**顏真**致**柳公**致**蔡**致**行**致**王義**致**智**致**黃庭

致米芾**致**趙子**致**草**致**王**致**並王**致**王獻**致**智

致米芾**致**並張**致**鮮于**致**趙子

敬致書堯典敬致日永星火傳曰敬致周禮所謂冬夏致日蓋以夏至之日中祠日而識其景如所謂日之景尺有五寸謂之地

文致西漢書董仲舒傳少損周之文致師古曰致至極也詳典

致貧弱貧弱雖陷法曲文以出之其豪傑使小民者以文內之按其微皆

致王尊傳傳致奏文師古曰傳讀**休致**言行龜鑑龐莊敬公籍知

請不已或謂公今精力完壯主上注意方厚何遽引去公曰必待筋力不
支明主厭棄然後乃去是不待已豈止足之謂耶凡上表者九手疏二十
餘通朝廷不能奪五年聽以太子太保致仕名公典刑叢錄歐陽文忠公
在蔡屢乞致仕門下生蔡承禧因問言曰公德望為朝廷倚重且未及引
年豈容遽去也歐公答曰脩平生名節為後生描畫畫惟不早退以全晚
節豈可更俟驅逐乎後進封公在毫已六請致仕比至蔡逾年復請四年
以觀文致學士太子少師致仕公年未及謝事天下益以高公公昔守穎
上樂其風去因卜居焉及歸而居室未完處之怡然不以為意神道碑孫
宣公與以太子少保致仕居於渾一日置宴御詩廳仁宗嘗賜詩刻石所
居之廳壁語客曰白傳有言多少未門鎖空宅主人到老不曾歸今老夫歸
矣喜動於色復顧石守道諷易離卦九三爻辭且曰樂以忘憂自得小人
之志歌而致並不興大耋之嗟公以醇德與學勸講禁中二十餘年晚節
勇退優游里中始終全德近世少比陳恭公初罷政判亳州年六十九
遇生日親族往往獻老人星圖以為壽獨其姪世脩獻范蠡遊五湖圖且
贊曰賢哉陶朱霸越平吳名遂身退扁舟五湖恭公甚喜即日上表納節
明年累表求退遂以司徒致仕杜公行不殖資產退寓南都凡十年第

宅卑陋居之裕如也。出入從者纔十許人。烏帽皂紵。絕革帶。親故或言宜為居士服。公曰。老而謝事。尚可竊高士名耶。五朝言行錄。言行龜鑑。范蜀公力詆王安石青苗之法。疏三上不行。即請致仕。蘇軾曰。賀公雖退而名益重矣。公愀然不樂曰。君子言聽計從。消患於未萌。使天下陰受其賜。無智名。無勇功。吾不得為此命也夫。使天下受其害。而吾享其名。吾何心哉。名公典刑叢錄。范公景仁既退居園第在京師。身以讀書賦詩自娛。客至無責賤。皆對服見之。不復報謝。故人或為其名之。雖推責不拒也。不召則不往見之。或時乘輿出遊。則無遠近皆往。嘗乘藍輿歸蜀。與親舊樂飲。賑施其貧者。周覽江山。窮勝賞。期年然後返。年益老而視聽聰明。文體尤堅。種鳴呼。薊使景仁狂道希世。以得富貴。蒙屈辱。任憂患。豈有今日之樂耶。則景仁所失甚少。所得殊多矣。詩云。愷悌君子。神所勞矣。又曰。樂只君子。遐不作。景仁有焉。元祐初。首以詔起。公曰。西伯善養。二老未歸。漢室卑詞。四臣入侍。為我強起。無或憚勤。天下望公與溫公同升矣。公辭曰。六十三而求去。蓋以引年七十九而復來。豈云中禮卒不起。元豐五年。文潞公以太尉留守西都。時富韓公以司徒致仕。潞公慕唐白樂天九老會。乃集洛中公卿大夫年德高者為耆英會。以洛中風俗尚高。不尚官。就資聖

永樂大典卷萬三千四百九十五

三

院。建大厦曰耆英堂。命閩人鄭真繪像堂中。時富韓公年七十九。文潞公與司封郎中席汝言皆七十七。朝議大夫王尚恭年七十六。太常少卿趙丙。秘書監劉几。衛州防禦使馮行己皆年七十五。天章閣待制楚建中。朝議大夫王謹言皆年七十二。大中大夫張問。龍圖閣直學士張壽皆年七十。宣徽使王拱辰。留守北京。貽書潞公。願預其會。年七十一。獨司馬溫公不敢班。文富二公之後。潞公不從。命鄭真自摹後傳溫公像。又之北京。傳王公像。於是預其會者凡十三人。潞公以地主。携妓樂就富公宅作第一會。至富公送羊酒不出。餘皆次為會。洛陽多名園古刹。有水竹林亭之勝。諸老鬚眉皓白。衣冠甚偉。每宴集。都人隨觀之。潞公又為同甲會。司馬郎中。且程大中。珣。席司封。汝言皆丙午人也。亦繪像於資聖院。太平盛事也。洛之士庶。又立祠。潞公於資聖院。溫公取神宗送公判河南詩題于榜曰。佇瞻堂塑公像。其中冠劍偉然。都人事之甚肅。胡公宿朝議在官。年七十而不致仕。有司以按籍舉行。公以謂養廉恥。厚風俗。宜有漸。而欲一切以吏議事。殆非所以優老勸功之意。當少緩其事。使人得自言。而全其美節。朝廷嘉其言是。至今行之。時人類以弃官歸隱為高。而謂軒冕榮貴

永樂大典

卷一三四九五

為外物。然鮮有能踐其言者。故靈澈答韋丹云。相逢盡道休官去。林下何曾見一人。蓋識之也。趙嘏云。早晚粗酬身事了。水邊歸去一閑人。若身事了。則仕進之心益熾。愈無歸期矣。王易簡云。青山得去且歸去。官職有來還自來。是豈能須臾忘情於軒冕耶。張乖崖在蜀。有一幕職官。不為乖崖所禮。遂獻詩云。秋光都似宦情薄。山色不如歸意濃。公謝而留之。彼蓋有激而云。豈誠心哉。筆談言。有武人忽作詩云。人生本無累。何必買山錢。遂弃官歸。此最勇決。予嘗於驛壁間。見人題兩句云。謀生待足何時足。未老得閑方是閑。予深味其言。服其精當。而媿未能行也。此與夫所謂一日者除日。三年損道心者異矣。宋史浩鄭峯真隱漫錄重乞休致表。冒惟幄之舊恩。久尸厚祿。追崦嵫之暮景。輒布忱辭。中謝臣聞以道事君者。必謹廉隅。敢昧於始終之節。以禮使臣者。不專寵利。務在其進退之宜。豈有位首三孤。齒踰七十。無復毫分之事任。坐糜滿溢之官榮。已嘗屢請於甫及之年。其忍自欺於大耋之日。伏况臣起由耕隲。嘗備鼎司。壯而欲行之。尚勲勞之茂著。老矣無能也。雖糜隕以何施。唯力丐於跽歲。可少安於涯分。伏望皇帝陛下。乾坤覆育。父母愛憐。察臣實懷殊過於聖時。念臣懼得貪聲於天下。亟頒俞旨。俯徇私誠。歸甲組於尚方。上旌旄於少府。克全體骨。以

竟柔榆。鍾鳴漏盡夜行。僅守田生之戒。功成名遂身退。敢希老氏之言。第二表。羸老不支。猶上挂冠之請。眷憐未替。亟頒出綈之音。禮當有陳。義弗敢止。中謝伏念臣初無才術。偶幸遭逢。寵靈每愧於叨踰。俛仰遂侵於遲暮。年著金華之籍。七十有三。功登汗簡之書。萬分無一。惟堅故里休閒之志。或助清朝廉遜之風。若復貪戀恩榮。遂巡歲月。或休迫於杜門者。愆之後。或蒼惶於易箒垂絕之時。雖陳進退之辭。不得已也。若取止足之義。豈其然乎。仰惟睿鑒之昭然。忍使老臣之出此。伏望皇帝陛下。特回淵聽。俯察危誠。念潛藩勸講之條。與初政弼諧之列。凋零無幾。疲繭偶存。發於獨斷之明。早以歸榮之命。庶合晚耄。獲荷成全。錫曠地以廣鳩廬。已戴餅餽之賜。垂安車而光梓里。更祈垓北之仁。再乞休致表。奏函上達。祈亟就於休閒。詔札下頒。猶未孚於懇款。輒伸再瀆。仰冀曲從。中謝竊以國張廉恥之維。士明進退之義。出為委贄。下有其身。歸日乞骸。始致其事。苟昧夜行之鍾漏。曷全晚景之桑榆。伏念臣性識不明。材能無取。偶逢休運。躡寘華塗。當軸秉鈞。有賴積薪而居上。建旄易鎮。初無彊草以論功。儀已視於公槐。班更聯於孤棘。向也知難而去國。茲焉被命以造朝。暨疊冒於寵光。復屢陪於闕燕。消塵未報。筋力先衰。悵來日之無多。苦沈疴之不赦。願

辭厚祿。以定餘災。伏望皇帝陛下。垂鑒由衷。推仁從欲。許上還於甲組。俾
 退伏於田廬。敢希前輩之高蹤。允崇清節。實賴大君之隆施。少駐頽齡。
 乞休致。不允謝表。桑榆景迫。當自列以引年。天地恩隆。乞未容於謝事。疊
 頒詔旨。曲示眷私。拊躬莫遂於楮檣。拜命實驚於惟谷。十拜伏念。臣起身
 孤遠。遭世盛明。識不足以察治亂之機。才不足以應事物之變。徒因末學。
 誤簡聖知。無文武之全才。兼將相之重任。爵高祿厚。莫施橫草之功。祿過
 災生。遂得負薪之疾。僕復不知於止足。必將自速於顛隮。故因七十之年。
 不避再三之瀆。蓋期合禮。實非矯情。豈伊父母之懷。尚軫蓋帷之念。俾仍
 康綈。以養衰殘。茲蓋伏遇皇帝陛下。智日博臨。仁天廣覆。練群臣而復名
 實。治協孝宣。濟大業而登權綱。道侔光武。特加記錄。未許歸休。蓋將存老
 馬以問途。莫肯縱冥鴻之舉翮。恩施若此。報稱謂何。臣敢不仰體至懷。務
 全晚節。絲綸言出。未蒙反汗於今朝。丘壑志堅。尚冀乞骸於異日。劉俊村
 集庚申乞休致申省狀。某閩嶠峴生。早由父任。奔走州縣五十餘年。歲在
 丙午。由太府少卿賜對。誤膺天獎。賜第入館。又使之執經為誥。辛亥之入。
 遂長蓬山。瑯坳蕪靡。纂史勸講。極儒臣清切之選。然某其以鉛槧受知於
 明主。終緣枘鑿不合於時賢。三黜還山。十年掃軌。追念頃綴班列。兩求休

永樂大典卷萬三千零九十五

五

致。時方六十有五。目今犬馬之齒七十加四。鍾漏之期逼甚。嶮巖之景幾
 何。欲望公朝興憐遺老。檢會辛亥二疏。特賜教奏。令某生前致仕。庶幾保
 全晚節。以從先大夫於九原。某死且不朽。手曾伯可齋集乞休致奏狀。臣
 不避天威。輒布忱懇。上干聖聽。臣一介疎庸。絕微識略。再蒙簡拔。謬玷蕃
 宣。既無領於賦輿。且復任於鄰接。恩深寄重。才薄報輕。雖按時度力。倍費
 支吾。而鞠躬盡瘁。敢計私便。竊緣臣自幼而侍先臣丙寅之難。及仕而從
 諸閩幕府之遊。垂五十年。偏歷遠役。近十餘載。游領帥權。血氣以病而耗。
 齒髮以老而凋。智慮以憂而衰。筋力以勞而竭。自知無能。於世用奚益。惟
 有早退。則吏議可逃。頃由受任於江淮。固已休請於田里。矧今忝竊愈更
 滿盈。城襄已三載。而租可為後人相繼之規。來荆跨五年。而已過於連政
 在任之日。此而不去。幸豈可常。兼臣爰自前春。迄于去夏。屢嘗抗疏。乞致
 為臣。屬上訓之諭留。復許時而玩愒。貪榮弗止。招咎必然。比聞治幾。有延
 煉之虞。而私家且貽番病之撓。賤軀亦疾。踰月未瘳。茲驚懼而靡寧。殆退
 避之無所。臣又竊思守淮堧之日。歲丙午以前。臣珙收荆。臣介鎮蜀。今二
 臣皆已淪謝。顧一息豈能久存。僕非力祈憫恤。俾義命之早安。將恐上誤
 委令。徒身名之俱喪。用禱懇切。仰瀆聖明。伏望睿慈。曲垂淵鑒。憐臣出入

艱難之久。察臣前後祈退之真。宣諭大臣。亟謀新帥。容臣以本官休致。早得善去。凡餘年之未盡。皆大造之曲全。再乞休致奏狀。臣比具奏陳。乞令休致。四月初三日。恭奉三月十九日詔書。不允者。臣祇誦訓辭。感深涕墮。竊惟三違科瑣。在臣于正合報國。一介丐休。此君父所未矜許。然念義所當為者。固不敢徇己。力有所弗逮者。又不敢隱情。重惟表奏之孤蹤。早歷艱難之多故。周旋兩間。跋涉十年。所至公上必收其利權。未嘗封內不有於狄難。率奮空而葦屨。勉扞侮以支危。賴國威靈。不至曠敗。然臣精力則已殫窮。若方之古人。是詎能為役。敢然何恃。寧不自知。茲願為首丘之狐。庶免類東野之馬。抗疏蓋屢陳於兩夏。解嚴且又過於一春。而况因叨叨榮。積慮成疾。事會無極。天幸豈常。物理惡盈。人情沒玩。亟去則可。新上流之規畫。儻留必將誤兩道之委命。抑有過憂。不容縷述。用忘微猷。泝瀆睿聰。伏望聖慈。俯鑒真悃。速圖時髦。受任之計。曲遂微臣。知止之私。俾乞餘骸。少休晚節。實戴隆天厚地。生死肉骨之造。三乞休致奏狀。泝承君命。深惕愚衷。退惟共二之罔功。豈敢再三之有漬。第念本無智畧。誤任蕃宣。歲月于邁。血氣浸衰。事會方來。精力已竭。一春多病。連月未瘳。當羽檄倥偬之在前。而藥叢扶持之美暇。賴國威之震耀。底封境之肅清。蒙恩勉

留。庸庸若此。畢力報效。臣職當然。但以叢數責於已。而益負荷弗勝。閱五年於今。而愈運掉不去。兵以風寒之多備。財非天雨以莫支。儻若縷陳。枵類繁索。點虜茲水生而始去。謀言將水合而復來。雖三入三敗。亦幸而成。而一勝一負。何常之有。將預圖於保國。正宜示於作新。臣伎倆淺。而恐已為此虜所窺。事力單。而亦且為將士所玩。頑然弗退。決是可憂。幸值目前當撤戍之時。委是閩外非養痾之地。用殫寸臆。疊冒咫尺。伏望聖慈。俯憐危憫。察其累歲丐休之真切。早為上流圖任之選掄。保全餘生。僥倖善去。仰戴天誣地育。九頌英酬。四乞休致奏狀。乞微違吏。自撥罔功。憑恃上恩。所祈善去。漬至再三而未許。請已滿百而奚逃。固知多事之時。殆非乞身之月。然念臣之事君。如子事父。力有所不能。則當告。情有所或隱。則不志。臣本無它長。僅知一撲。出閩入從。志滿欲盈。十數年前。已願納楮。四載于此。累疏具陳。乃出由衷。非是文具。今則齒髮衰頹之益甚。骨肉零落。以自憐。百憂熏心。一身是病。雖動作常人之無異。而縷綿厥證之愈深。即事會之正殷。何精力之可應。厄剋弗去。顛踣必然。不足計犬馬之軀。所當防虎狼之敵。蓋兵家無常勝之理。隣患兼浸迫之憂。有備則可以不慮。無具則何以能禦。天幸難恃。日力無多。此而弗圖。患且將及。有不容不歷數以

昔者京湖項年未復襄郢遠而江北大屯。惟在江陵虜又約我。已知朝廷以人為重。有請必從。無賞或吝。今二三年間。備禦廣。責任重。無歲虜不入。而事多樂時。八有玩心。舊比不可以攀援。新制動有於牽礙。將帥間有望望去者矣。此一也。京湖生券錢米。自孟珙總認始。年科米三萬石。繼而歲減十萬。連年以來。添供均隨光郢等處。所科乃亦止是。計約寶祐元年。歲支至四十餘萬石。除所科之外。皆用鑿空倚辦。將何以繼。此一也。而況今歲所科。前項常年生券米二十萬石之內。朝廷又命以屯田黍粟折支八萬石。前比之所無此。既不可支作軍食。雜錢雜米。則又不及。况制司又有供給軍將物料。歲亦約用措辦二十餘萬。小有不登。果何所措。此一也。又如襄陽經理以來。科撥生券錢米。今歲本司添貼應接。亦既罄竭。連年奉命移屯軍人老少。抵自今歲。已共移六千二百七十六戶。優支起發散費錢米。共該十八界會二十三萬餘貫。米五萬五千石。朝廷止科十八界會一十萬貫。且準行下。令撥移屯萬人。是亦無力可及。此一也。茲四者皆制司之事。不可為者。乃若上流茶稅。往年藉以通融貼助。歲收甚夥。自臣到任。歸之國用。今江州分司。歲收未暇計。先來鄂岳置專官。所收未暇計。只以鄂岳兩場。自淳祐十二年二月。至今年四月。收七百餘萬。而計之何翅

宋集奏卷萬三千零九十五

七

幾千萬。是皆向未總所有也。今無是矣。此一也。廣西經畧司。權行截撥運司度司。案名錢。充安遠軍券食。前政任內。屢狀申請科運。雖未回降。為數猶未多。今計臣任內。自淳祐十年。至寶祐元年終。已共截撥銅錢二十一萬三千五百餘貫。控告科運前後已三十餘次。迄未有區處。此一也。又如朝廷和雜司存。每年常是陪貽。為數浩瀚。自前政已然。近淳祐十一年。秋和糴。已隔三載。近因申請。科運蜀雜銀兩。都漕奮筆出。訟糴債。則痛減銀價。又支過增。又支過。本司銀兩不與理還。願令椿管。二百五十一萬。今何所從出。此一也。茲三者。又總計之事。不可為者。至於策應建司。向來糴類虛名。今實欲備撥。嘗考舊事。已亥。督府調重兵撥蜀。非專藉荆旅。自後六七年間。歲調撥入。麥不滿三千人。秋去春還。未至越忠萬以上。今蜀事非前比。當此盛夏。本司見調三千人在蜀。又武定二千不預焉。向去秋高。深恐事出倉卒。朝廷責令遣援。則本司自有邊面。虜或東西俱急。其何以處。此一也。又策應建司。素無財賦。連年分上下半年。科十七界會一百萬支遣。無兵事則可。去歲調發支糶。所科幾不足以給所用。最是支過撥蜀備峽人兵生券米。以三萬餘石。計錢以十八界會十二萬貫計。是皆通融制總兩司。那借應副。近屢科請。未蒙體恤。此去歲已支者。猶所不問。今歲萬

永樂大典

卷一三四九五

一有所調用。此項生券錢米。從何而辦。此一也。是二者。又某司之事不可為者。凡是數端。皆關係大節。如細俱不敢及。載念臣才具既不足以經理。言語又不足以感教。一日恐誤朝廷。則敗國事。此荆楚重任。又不容不更張而措置者。臣聞昔人有憂及時事。而謂曰。吾曹貪名位所致。臣嘗服其言。不識當去其敢自恕。必待狼狽大壞而言。公朝雖欲保全之。晚矣。用敢懇血忱以告睿聽。伏望聖慈。察其憂國之志。恕其觸天之罪。檢照臣連年累請。特命守本官致仕。別選髦雋。亟濟艱難。則臣死日生年。戴恩罔極。乞休致奏狀。臣不避天威。輒有陳奏。臣聞諸葛亮有曰。凡事難可逆見。臣鞠躬盡力。死而後已。自古人臣事君。知盡瘁於大義之所當為。而不敢必成功於天。不敢務求全於己。亮之經營王業。耕戰渭上。為久駐計。豈計其身之不能久哉。而食少事多。卒墮賊料。臣誦而至。每切惜之。是雖至愚不肖。無能為保。而服習其言。竊願企慕。伏自綴名仕版。踰三十年。東西奉命。奔走崎嶇。險阻一不敢辭避。茲蒙陛下。拔拭再用。待罪未及。輒犯度德量力之戒。以荆州一城之備。自郢而襄樊諸城。經理之幾。若昔人所謂士稚擇其一。征西崇其四者。重以連漳之後。佃漁收薄。饑若利去公家。激勸征調。百費繁興。一毫不可損焉。臣勉支吾。兩載亦有天幸。不至乏絕。然黔

永樂大典卷一三四九五

八

驅之技則竭矣。猶能以報。固臣素心。陳力不能。豈臣敢請。實緣憂思薰蒸。疾疢侵陵。厥證外強而中乾。大懼前跋而後蹇。臣去家整三載。雖中間婦穉凋零。身染炎瘴。未嘗敢萌私計。近揣心力弗逮。政擬丐閑。倏聞人言。傳謂臣死。賓朋形之訪問。都已至於駭聞。不知此聲。何自而得。臣所任者。上流之重。况其與初敵為隣。深慮各織先形。幻身難保。臨期誤事。上貽顧憂。載念臣素猥不才。久願知止。昨歲在己亥。辭除淮西總領。歲在壬寅。辭兼淮西制使。皆嘗具有公牘。乞致為臣。皎然此心。不在今日。所幸目前春哨既退。秋防尚賒。正當新三軍之精采。重兩道之事權。用憑愚衷。干瀾淵聽。伏望聖慈。俯察負功。宣諭輔臣。改畀閭寄。專令臣以本官休致。俾之退安。微狀。厭勝浮言。不勝公私之幸。再乞休致奏狀。臣祇承明詔。銜荷洪恩。靖惟被命。以護師。誼合鞠躬。而盡瘁。實緣經營新復。備多力寡。而刑之事。任愈難於昔。酬酢多事。才綿責重。而臣之精力。不逮於前。以不逮之精力。當愈艱之事任。大則誤國。小必殞軀。或者見於未形。正亦言之非過。臣前年苦瘴。去歲病劫。固有憂其難瘳。然自保於無他。尚可以支。不敢有請。今則關尺診。而色證俱病。方寸動而蓐寐靡寧。雖他人視之。起處無異平日。而中心揣若。痛痒祇可自知。不坐呼天。必至墜地。用敢不避再三之瀆。滄

布愚悃。上觸天威。伏望睿慈。憐其衰鈍。鑒此忱恂。許合謝事。以歸田。別選
 當才而分閫。豈特微臣之幸。實國事之幸。乞休致奏狀。臣自去夏以休
 未遂。比者具奏。先乞免兼總餉。伏準省劄。奉聖旨依降詔不允。不得更有
 陳請。臣祇服聖恩。感激愚悃。諒當罄竭萬力。圖報鴻私。竊緣臣自幼而歷
 險。及老而易表。一紀索班。三仕間寄。寵踰而量溢。績寡而罪浮。以一身則
 憂慮成疾。寢食弗安。以一家則骨肉凋零。宗族淪落。每自傷於薄命。寧久
 保於幻軀。此在微臣。尚是私計。適若膺疆場之責。未能寬宵旰之懷。舊壘
 甫葺。新酋方張。雖南北氣運之將回。猶東西聲擊之未弭。揆勢而論。腹背
 俱所當防。苟情不孚。首尾何以相應。况事力莫求。其可繼。而物議多異。乎
 所聞。有能知微之數。得不先事而懼。臣數有微幸。天實佑其衷。一或疎虞。
 人待以怒。顧身何恤。誤國是憂。若非新連帥之謀。無以作三軍之氣。言之
 至此。豈惟臣之餉權當免。而制權亦當更兼。臣願祈休致。不在今日。平時
 自知賦才不穎。愚狀惟有早退為宜。用敢不避天威。再控前請。伏望聖慈
 憐臣懇切。出於衷。察臣撲實。非是避事。為國遠慮。及時改圖。宣諭大臣。檢
 舉臣去夏所請。許合休致。投拜寬閑。實拜隆天厚地保全之賜。再乞休
 致奏狀。臣乃者再具奏申。乞許休致。今月二十七日。準尚書省劄子。四月

永樂奏卷萬三千四百九十五

九

十二月奉聖旨。依已降指揮不允。不得更有陳請。臣一介遠臣。屢瀆宰聽。
 自知凌犯之罪。宜在誅斥之科。曲加海涵。未忍沙汰。顧念振雷於隆委。豈
 敢自棄於明時。實緣臣共二閫餉。以奉闕三署。寒于此。精慮已耗。事力已
 殫。分劑已盈。伎倆已竭。近得痞眩之疾。未有醫療之方。荏苒而少復。怔忡
 而多忘。察脉觀證。靡惶身計之恤。按時度勢。實為職守之憂。與初敵方相
 應酬。如病軀其能撐拄。貪榮無已。因謂之矣。挺災愈深。殆不自濟。夫此春
 事休而弗去。陽然暮氣墮而莫支。再用析衣。終冀得請。伏望回乾坤之大
 造。圖疆場之新功。改畀當材。俾釋重負。俯從休致。還保餘齡。不勝感天符
 聖之至。三乞休致。并薦代狀。臣自去夏五月以來。三乞休致。兩丐免餉。
 未蒙俞允。近者四月二十八日。又嘗再具奏申。乞從休致。伏念臣公微遠
 吏。前後累瀆天朝。只當跼蹐以俟斧鉞。未應再有陳請。竊緣荆閩與蜀相
 連。利害相關。情分不可扞格。臣自去冬。屢稟廟堂。乞遷差蜀閩相事之人。
 未鎮荆襄。以通脉絡。從臣善替而去。今者連帥帥報。余悔直華文閣。知鄂
 州。兼湖北運判。朱申。直煥章閣。湖北提刑。是二人者。昔皆與蜀閩。同仕淮
 漢。屢當煩使。見謂時才。如申則中外皆知。蜀閩久薦為代。晦嘗歷尹卿。資
 望已高。今蒙朝廷起家。持節當路。推不屬目。在臣知有協恭。第臣疎直無

能。叨竊已過。壯心凋落。病體支離。前此抗章納牒。又恐朝廷擬代未定。修聞悔申之除。其才皆可當一面者。非特可使帥蜀。亦可帥荆。擇其一。俾代臣去。必能辦王事。務公論。傳曰。日中必暮。操刀必割。在朝廷不於此時。早為易帥之謀。他時倉卒始議更張。臣身不足恤。深恐上誤軍國。噬臍無及。謹不及雷霆之感。用再伸犬馬之悃。伏望聖慈。奮乾剛之斷。早賜處分。檢舉臣近奏。特令守本官致仕。速與命代。朝廷若以臣不合辭職避罪。但得上流間寄得人。仰寬顧憂。臣雖獲譴。其甘如飴。貼黃。臣三年守荆。恭奉廟謨。經理襄樊鄆三城。幸望就緒。連年征禁並舉。調兵攻擄。仰賴國威。師出必克。賊入輒敗。日前封守無虞。在臣本無規避。臣今來再疏之上。猶恐朝廷以臣襄樊首尾未欲更易。臣竊照往歲帥淮。甲辰復壽春。乙巳脩泗洲。丙午罷歸。亦只是經理兩年。至今按堵。規模既定。豈用翰取翰守。必待翰死耶。臣今雖告去。一日必葺。見為措置移屯。催辦糧運。決不敢道後人之憂。實緣疾勢事勢至此。不容不去。伏乞早賜處分施行。併乞睿照。又手奏。臣不避斧鉞之誅。輒滴危悚。上干睿聽。臣孤遠微蹤。踈陋寡識。自淮歸里。已分與草木俱腐。獨賴聖明保護。技試使令。已酉蒙恩入領。庚戌改命來荆。去家五年。雖罹災患。報國一念。誓殫驅馳。僥倖憑藉。皇威保固。

封守。中間寅奉廟謨。經理襄樊鄆之三城。粗皆就緒。輕兵出塞攻擄。前後十有餘捷。虜五大入。輒為我師勦退。凡此天幸。是皆宗社之靈。將士之力。豈臣無能之人所克致哉。今者士會方殷。消埃未效。非敢自為明時棄物。所以滄上乞身之請者。蓋緣臣積憂成疾。投老易衰。智愚已窮。欲量當退。近陳奏疏。已控悃忱。其有精微未罄。未容不密為君父告。蜀之情分。曩之事勢。是也。所謂蜀之情分。則既在隣閭。利害動皆相觸。遇有邊隙。緩急。其可弗慮。竊窺近事。殊切隱憂。凡所移文。務立畦畛。矧聞廢意之俯屬。豈不形跡之愈疑。臣固謂朝廷。須當擇所相乎。使之來荆。共濟。無事則脉絡貫通。有警則聲援聯接。不然。彼此不相為謀。或至夾入于腹之患。則必以犴格誤事矣。所謂曩之事勢。則昔未修葺。猶可委之荆榛。今既經畫。則當保其望。豈有功弗賞。誰復向前。無力乏供。何以善後。每聞廟論之所及。動以耗費而為言。臣竊謂朝廷。若早謀易帥。使之往襄。相度當守。則力加扶植。當捨則別作規模。不然。中外不相協力。或至虜乘吾間之慮。則必以猶豫敗事矣。即此二說。有一焉而不可。况兼之乎。在臣去則皆可新圖。回之略。留則深恐貽倉卒之憂。此其控陳。不容但已。前雖屢申。籲天之積。猶恐未有疑代之人。今得當才。適稱斯選。臣已具奏公外。伏望陛下。俯鑒愚衷。

特賜神斷。早新上流之任。曲全餘息之歸。實則公家匪徇私計。惟聖慈亟裁處之。冒犯天威。罪當萬死。臣無任激切屏營之至。四乞休致。申省狀。某近再奏。申乞令守本官致仕。六月一日。準尚書省劄子。五月二十日奉聖旨。依屢降指揮。不允。不得更有陳請。某疊瀆寔感。自應訴斥。游塵淵聽。恐重愆尤。固不敢再有干犯。竊緣蕃宣重寄。非材莫勝。玩愒罔功。其伎已竭。維此六月。比及三年。物理既盈。人事當止。孤蹤衰病。證狀益深。累疏控陳。悃悃具見。載念平時。稍自知分。不特今日。而始丐休。實恐疲軀。上貽誤國之憂。非欲退閑。自為全身之計。矧聞隣閭之報。實與年事之同。人命脫薄。朝露其危。敵情窺覘。秋風不遠。不及此從容而往。恐出於倉卒而莫支。用布由衷。仰冀從欲。伏望鈞慈。更賜敷奏。檢照自去年五月以來。節次奏請。特與曲從。休致。端拜生成。引領化鈞。跼蹐俟命。李曾伯可齋集。荆閩中朝省乞休致公劄。某比者再具奏。申乞令休致。七月二日。恭準省劄。六月十四日奉聖旨。依已降詔。不允。不得再有陳請。某仰承君命。俯撥臣衷。顧惟蹤跡之孤。材略之短。織慮之間。疾疢之侵。事力之乏。不易支持。論之及此。聞可駭聽。自當知止。何但見哉。其如天聽之未俞。不容日力之坐玩。綢繆未雨。翕忽已秋。僕其委斯責而去之。將謂道其艱於未耋者。是知身計。

永樂大典卷萬三千四百九十五

非為國謀。謹當盡力。違鄙之驅馳。聽命廟堂之進退。惟是某此心已動。其跡愈危。終願謝事以歸。實非飾情之語。伏望鈞慈。特賜敷奏。時咨文武之望。預為藩閫之儲。俟某纒畢秋防。許全晚節。實拜隆天厚地之賜。史浩鄭峯真隱漫錄。乞休致劄子。臣生本寒鄉。仕逢休運。三年依棲鶴禁。由太上收召之恩。一旦遭際龍飛。出陛下生成之賜。叨塵次輔。甫閱九旬。以資淺而望輕。致身勤而事左。既不合於與議。旋有激於董評。迄蒙保全。先蹈罪戾。獲胡半紀。追省前非。豈期軫記於孤蹤。亟使制臨於全蜀。力辭親疾。改畀藩符。睿意愈隆。寵靈疊至。肅齋壇而授鉞。視按路以同儀。冒干天地父母之私。蔑有塵露毫毛之報。頃既閔之假守。偶疾眩之切身。祇沐宸綸。俾尸祠祿。雖負薪之疾。今幸其去二三。而過隙之年。實已登於七十。屬當耆老。敢用乞身。伏望陛下。鑒此輸誠。許其謝事。旌旄甲綬。僅獲上還。香火林泉。敢忘祝頌。乞休致第二劄子。蕪詞雖達。睿旨未俞。輒再瀆於宸嚴。冀少回於淵聽。伏念臣蚤繇末學。誤玷隆知。慮無一得之愚。歲有九遷之寵。仕官得兼將相。疾病獲返鄉閭。父母恩深。乾坤施厚。而臣報未殫於犬馬。景已迫於桑榆。氣血俱疲。精神弗逮。有心戀德。無力服勞。既原某之徒麋。施面頰而有硯。乃遵禮法。上冒聰明。既未賜於矜從。復恭承於褒諭。捫心

永樂大典

卷一三四九五

至感。搗分難安。重念臣昔在康境。尚無足取。今茲表恭。又何能為。唯退縮以引年。可省循而補過。固不敢以掛冠為樂。而辟敕為高也。伏望陛下察此忱誠。知非矯偽。賜之哀憫。許以歸休。誓將遲暮之速途。仰答成全之大造。乞休致第三劄子。存蒙優詔之丁寧。未遂休官之願。款撫躬銜戴。拜命凌兢。臣聞虧盈益謙。天道示戒。知止不殆。老氏垂規。臣雖至愚。心明此理。蓋臣祿以無功受。固出貪饕。爵以無德高。亦為僥溢。老不知止。天則虧盈。是以禍伏于中。病攻其內。若或終無悔悟。必將自速顛隤。故哀鳴靡憚於再三。而恕許有祈於萬一。仰惟陛下。包荒大度。矜歆至仁。以善降祥。合天心之化育。無私造命。鑒物理之乘除。赦臣喋喋之愆。憫臣拳拳之義。特回聖斷。俯遂危衷。豈唯獲弭於災殃。抑仗少延於視息。此恩此德。成始成終。生永效於傾葵。沒猶期於結草。王東牟先生集聞劉行簡給事休致。作詩寄之。郡下一卷書。云自郵嚴未。刺豕驚。晝眠柴門手自關。上有驪珠光。照耀分塵埃。讀之未盡行。善談生寒灰。黃門白首郎。上疏稱乞骸。帝曰大布衣。錫汝陞文階。天孫鉉錄秘。論撰須儒魁。榮名不汝遺。汝往時欽哉。夕即拜帝命。雪涕何紛漉。恩許歸舊廬。徑卧南山齋。此翁山澤仙。不賦章綬材。誤因文彩露。遂落天網恢。一游三十年。所得非不諧。文名動青瑣。筆力

永樂大典卷萬三千四百九十五

十二

幽黃能。左省豈不榮。珠庭重徘徊。業父一掉頭。百挽終不回。吾意天地間。清風有根莖。人心感披拂。違者分條枝。二疎揚巨源。同上百尺臺。劉翁傳其風。蒼舒次墮數。况復祖子孫。此道同坏胎。前劉脫功名。養氣如嬰孩。至今一箭詩。諷詠及陪隄。翁今亦何有。曠達忘悲哀。清風既不死。餅大無恥。嘉。歲晚春物動。吳山發寒梅。願翁強賦之。為花吐瓊瑰。林頭拂易傳。林下鳴新醅。它時三徑遠。為翁剪蒿萊。朱晦菴集蒙恩許遂休致。陳昭遠大以詩見賀。已和答之。復賦一首。闕于首宿久空禁。未覺清羸帶眼寬。老去光華燕黨籍。向來羞辱侍臣冠。極知此道無終否。且喜閒身得暫安。漢祚中天那可料。又年太歲又滂湯。及灘。建隆庚申。距今已未。二百四十年矣。嘗記年十歲。先君慨然顧語。素曰。太祖受命。至今百八十年矣。歎息久之。銘佩先訓。於今甲子又復一周。而未病零落。終無以少盡臣子之責。因和此詩。并記其語。以示兒輩。為之盡然感涕云。趙蕃淳熙蒙賀向伯元通判休致語。薌林再世企疎堂。不但私榮國有光。早娶了知家法在。耐官爰自祖風長。眼明圖史猶年少。手種檜松今老蒼。父客同時亦同感。成都卜宅匪它揚。謂寺同劉復村集休致。休致後欣榮念薄。利名中伏禍機深。蘭卿及僅能全望。疎傳歸繞有賜金。福過安知銜穢襪。朝回猶嘆負香衾。

山中猿鶴休猜怪。方表先生鐵石心。洪秘監徐常丞有詩賀余休致。次韻四首。運芻何須侍掩紳。世間無價是元身。為渠父詠常存漢。累犬玄經坐美新。朝露饒他夸奪子。曉星有義典刑人。由來老幹榮霜雪。不問東皇探借春。玉座分明念老臣。孤忠何路更前陳。無枯樹賦如開府。有病梨篇似照隣。粥鉢不愁餐鯁鯁。蔬盤何用贈紛紛。儘教巷靜門羅爵。絕勝山空冢卧麟。既衰戒得又書紳。所得毫毛所失身。疎傳畫圖傳不朽。胡公真土塲如新。古詢黃髮非無意。今紫蒼生尚有人。吾老而休君未可。時來偏與物為春。好語嗟枯極主臣。未應公幹勝徐陳。爭三十里敢言智。有萬萬錢難買隣。殘燭可留終斷簡。瘦筇扶出拜新綸。德星若肯過田舍。只贈溪鮮代脯麟。諸公載酒賀余休致。水村農御有詩。次韻二首。聖世烏巢可俯窺。乞身豈必避危機。牛車徑駕史傑出。麟筆曾嘉季友歸。迺更相邀入真率。垂崖安肯慕輕肥。山林深密雲天遠。存關心寧不可磯。目青陳編懶更窺。博通似恐洩天機。大愚苦要騎麟下。小點猶能化鶴歸。覓句瘦肩兩山聳。絕根乾燕上池肥。平生慕用徐先輩。異世溪邊共一磯。別無穴隙可鑽窺。常恐冥行踐樞機。恰則賜環煩內引。俄然隻履已西歸。都忘紫禁煙花繞。絕喜青山筍蕨肥。應被水村翁冷笑。爭墩未了又爭

永樂大典卷萬三千四百九十五

磯。覺海難將淺見窺。打包徑去契禪機。何曾胡蝶暫成夢。除却杜鵑誰勸歸。江上風濤猶洶湧。盤中泉土頗甘肥。但當叱犢勤耕野。不必然犀往照磯。耕書深遠絕難窺。止足書中向上機。但看杖扶博入。不如扇賜曲江歸。年饑方慮溝中瘠。肝食欲令天下肥。念此令人生內熱。溪邊賴有滌煩磯。見崖鴻處士草堂用時事。渾如坐井窺。逢人不敢問。遠機連營未寄寒衣去。故里何心畫錦歸。笑雙鑠翁為跼。愛玄真子鱖魚肥。綠陰多處宜垂釣。莫管楸花落滿磯。戶外荒園久不窺。桔槔已息漢陰機。與鷄窠老略相似。傲鹿門翁誰與歸。訓儉家鏡支伏臘。力農田不問硯肥。由來位重多憂責。未必沙堤可勝磯。指法金針不許窺。笑他貧女織寒機。誦仙曲。秦調羹賜之問詩成。奪錦歸論定會。貽銀信召。春濃漫妬玉環肥。梅妃日。太真為妃。婢。溪邊漚鷺偷相語。只怕先生又下磯。張華崖有夫。竹下漁磯之句。陸海潘江莫測窺。手揮巧斲執神機。昔如魯野麟初獲。今似遼天鶴獨歸。外物何殊芋木戲。內丹不待藥苗肥。只愁外戶蒲輪至。去坐狨鞵勿坐磯。高屋從來有鬼窺。鐵門關在費心機。逃堯欲去未忍去。捨曹不歸何處歸。款段馬繞如狗犬。堂厨羊不似壕肥。賜金未可都揮散。要買荒山撲斷磯。曹勣松隱集再乞休致未遂。得二詩呈之奇。鄉友。晚歲

歸心豈易收。掛冠已去復淹留。東方曼倩多奇節。司馬相如故倦游。林上
詩書供一笑。山中松桂入清愁。兒童怪我經春病。此意還能掩得不。碌
碌雖能早致身。中年東海與西秦。只宜桐栢山中老。不是麒麟閣上人。故
病未休新病起。黑頭應笑白頭新。天公早賜還山詔。懷抱紛紛倦俗塵。
休致後。効樂天。從來受性豈其天。遇物常隨處處緣。未病遽為辭職
去。欲歸亟引掛冠年。月寒須放尋梅步。更著常留買藥錢。思許天台遂幽
筭。清風一棹送歸船。高九萬。淵谷小。紫萸楊。東山休致。莫言納祿尋常
事。試讀唐人夢謁賦。騎驢徑上東山椒。九州四海風蕭蕭。大狐貯雲杓。料
月。却跨陰崖聽水拆。松蘿影薄寒花妍。白氈飛來亦欣然。江湖續集陳允
平賀伯父大資休致。不戀清時白玉璫。使將身世寄滄浪。三朝元老黃
樞閣。四海閑人綠野堂。楚楚菁蘭秋帶雨。蕭蕭寒菊晚宜霜。擬成東角耆
英社。賸樂壺天日月長。呂淨德先生集和陳長倩休致二首。惜君有高
才。舒卷莫非道。趨時忽倦游。謝事不待老。私謀惟恐晚。公論歎其早。平生
真所得。憂恨未嘗抱。白日由此閒。紅塵灑然少。鼓棹勿遲遲。湘川秋色好。
進取雖繁時。退藏亦在道。儻與志不會。須惜流年老。不知笑君拙。知者羨
君早。知與不知閒。要在恁子抱。得無釣石重。失乃錙銖少。明鏡洗無心。向

永樂大典卷一萬三千四百九十五

古

誰論醜好。劉後村集和誠齋休致韻。念奴嬌。此翁雙手。頓開處且把香篝
籠袖。西掖北門辭不要。肯要南柯太守。小小亭臺。些些竹木。何必靈和柳。
地行仙裏。合推儀做班首。取次著絕交書。續歸田錄。誰掣先生肘。莫道朝
衣梅燠了。留祝南山之壽。蒼妓上廳。老僧封院。得似博庵叟。虛名身後。生
前且一杯酒。夢中忘却。已閒。退諫羊猶藏懷袖。文不會鋪張粉飾。武又
安能戰守。充似葫蘆。棘於薑桂。表蠟於蒲柳。沒安頓處。不如歸老丘首。歲
晚筋力都非。任空花眩眼。枯楊生肘。容舉前修三數箇。待與劉君為壽。或
說慈郎楊朴。或稱純漢玉川。或自呼聾叟。火山一篇。齊物讀時。燕以卮酒。
戲衫拋了。下棚去誰笑。郭郎長袖。小小草庵無寶貝。何必神呵鬼守。黃
妳篝燈。青奴拂榻。莫要他挑柳。退之二去。客來問字。此翁高卧搔首。彷彿
曾于當年。商歌滿屋。衣不完肘。時曾子投袂而肘見。混沌若教休鑿竅。巧
曆安知其壽。文叔故人。仲華幾箇。輸與羊裘叟。浮生如寄。切身之物。惟酒。
揚誠齋集上章乞休致。戲作念奴嬌詞以自賀。老夫歸去。有三徑足可
長拖衫袖。一道官街清徹骨。別有監臨主守。主守清風。監臨明月。兼管我
花柳。登山臨水。作者佐詩二首兩首。休說白日昇天。莫誇金印斗大。懸雙
肘。且說廬陵新盛事。三箇閑人眉壽。揀罷官身。歸農押錄。致政誠齋叟。只

愁醉殺螺江門
外私酒詳仕

帝王高致

朱文公封事首下明詔以求直言此
尤足以見帝王之高致知為治之先

務龜蒙高致

辛文房唐才子傳陸龜蒙幼而聰悟有高致家歲
書萬卷無聲色之娛舉進士不中從張搏遊湖蘇

又至饒州三日無所詣刺史率官屬就見
龜蒙不樂拂衣去居松江甫里多所撰論

張喬高致

辛文房唐
才子傳張

喬有高致十年不窺園以苦學詩句清雅迥少其倫當
時南來才子如許崇等與喬亦稱十哲俱以韻律馳聲

雅人深致

晉書烈女傳王凝之妻謝氏字道韞安西將軍奕之女也聰識有才辯叔
父嘗嘗問毛詩何句最佳道韞稱吉甫作頌猶如清風仲山甫永懷以慰

其心安謂有雅人深致世說新語謝公因子弟集聚問毛詩何句最佳道
玄稱曰昔我往矣楊柳依依今我來思雨雪霏霏公曰許謨定命遠猷辰

吉謂此句偏
有雅人深致

山林清致

太平廣記兵部員外郎李約濟公之子
也以近屬宰相子而雅度玄機蕭蕭冲

遠德行既優又有山林之致琴道酒德詩調皆高絕一時一生不近女色
性喜接引人物而不好俗談晨起草叢頭對客覺融使過一日多蓄古器

在潤州嘗得古鐵一片擊之清越又養一猴名生公嘗以之隨逐夜泛江
登金山擊鐵鼓琴猴必肅和傾壺達夕不俟外賓醉而後已約曾佐李庶

人錡浙西幕約初至金陵於府主庶人錡坐屢讚招隱寺標致一日庶人
宴於寺中明日謂約曰十郎常誇招隱寺昨遊宴細看何殊州中李笑曰

其所賞者疎野耳若遠山將翠幕遮古松用綠物裹腥膻音樂亂山鳥聲
此則實不如在叔父文廳也一庶人性又嗜茶能自煎謂人曰茶須緩火

頗有野致

北史茹皓傳皓性微工巧多所興立為山於天象
池西採掘北芒及南山佳石徙竹汝穎羅其間

經構樓觀列於上下
樹草栽木頗有野致

令問標致

續澄懷錄天園山人張令問幼
有業許之節放意林泉長於詩

行與杜光庭詩云試問朝中為宰相何如林下作神
仙一壺美酒一爐藥飽聽松聲白晝眠其標致如此

夷險一致

羣書足用卿輔相憲祖遠于朕躬履歷四朝夷險一致
公讓官第一表忠孝兩全夷險一致紀綱列郡節制戎師動揚休聲靜著

茂實出白居易文除陳執恭僕念昔帝師為國死義亞傳承之夷險一致
出宋朱文公劄記西海更夷險一致西掖絲綸妙皇猷之潤色

永樂大典

卷一三四九五

東儲羽羹。惟正道之清明。宋王與鈞文。賀池州郡始事。事理一致。百川學海至顯者莫如事。至微者莫如禮。而事

理一致。微顯一源。古之君子所得善學者。以其能通於此而已。兵農一致。素起巖東塘集賀施元。拒啓。竊以制威

于周。合兵農而一致。世接於漢。判文武為二途。終始一致。素繫齋集堂樓記。忠臣事君。終始一致。無日不以國家

為念。無日不以堂登為期。德無二致。華鎮雲溪居士集上淮南運使書。故古之人德無二致。而行無一途。或過門

而不入。或葦風騷極致。師友法言。李太白遠別離。蜀道難。杜子美寓居同谷。七歌之類。風騷之極致。不

在屈原功名立致。張南軒集答竹通判啓。義形辭色。識辯安危。惟阻險之備嘗。宜功名之立致。詳見卷

太平可致。遼史太宗紀。大同元年夏四月。皇太弟遣使問軍前事。上報曰。初以兵二十萬降杜仲威。張彥澤下鎮州。

及入汴。視其官屬具負者省之。當其才者任之。司屬雖存。官吏廢墮。猶離飛之傳徒有空業。久經離亂。一至於此。所在盜賊屯結。土功不息。愧倘非

永樂大典卷萬三千四百九十五

十六

時民不堪命。河東尚未歸命。西路首帥亦相黨附。夙夜以思制之之術。惟推心庶僚。和協軍情。撫綏百姓。三者而已。今所歸順戶七十六處。得戶一百九萬百一十八。非汴州炎熱。水土難居。止得一年。太平可指掌而致。且改鎮州為中京。以備巡幸。欲伐河東。始俟別圖。其際如此。思由

上致。韓昌黎集謝許受韓弘物。狀。思由上致。利則臣歸。迫迕相致。經子法語毛詩。某于苞相。注苞

積也。積者根相迫迕。相致也。正義云。物叢生。曰苞。齊人名曰積。根相迫迕。相致亦謂叢生。惜惜雅致。顏氏家訓琴瑟

有風味哉。陶甄妙致。歐陽詹集春盤賦。多事佳人假盤孟而作地。疏綺繡以為春。叢林具秀。百卉爭新。

一本一椽。叶陶甄之妙致。覺皇宗致。雪竇祖英集三寶讚序云。不沾不待。但返仰覺皇宗

致。盛名不可力致。類說陳度兩策科名。皆非正榜。嘗曰。吾必使子孫居之。其子九思舉進士。亦以

老榜。君子曰。大器不可以力致。像以誠致。梁高僧傳晉慧遠傳云。陶侃鎮廣南海中。得阿育王

所鑄佛像。送寒溪寺。佩移得陽。以像有靈。遣使迎接。及上船。船遂覆。遂刑楚間。謠曰。陶惟劍雄。像以神標。可以誠致。難以力招。慧遠寺成。祈心奉請。像乃飄然自至。萬彙不同致。

歐陽唐集。弔漢武帝文。夫一物各異。道萬彙不同致。帝王之與神仙。林泉之與朝市。六驥不致。

箭于脩身篇。一進一退。一左一右。六驥不致。註言不齊。故不能致。道路也。飢鷹

尚意警喻論。兼貪則害。身章。飢鷹可以鼠兔致。

詩文 致齋古今。能論致字義。米元章治第潤州。有小軒。面西山。用

王徽之朝來致有爽氣語。名致爽。石林先生以為世以致字為

學以致其道之致。非也。魏晉以來。多以致為語佐。似是訓甚。李子曰。以致

爽之致。為致其道之致。固謬。又云。似是訓甚。則其言義含糊。摸稜手耳。致

自為甚。致爽自得。以名軒。此亦何必深論。若以致為語助。則大段乖刺矣。

玉堂記事致字說。先儒解致字。往往不盡。如致中和。天地位焉。鄭康成

云。致。猶歸也。禮器。禮也者。物之致也。鄭云。致之言至也。極也。其他諸經。往

往指為極盡之意。如喪致乎哀而止。見危致命。君子以致命遂志。與病則

致其憂之類是也。此皆意有未盡。蓋致盡之意。有取與納之意。如喪致乎

哀而止。見危致命。謂之極盡可也。如致中和。致知之類。則又有取之意焉。

吾聞致師者。亦有之意也。用致夫人。凡春秋以某事致。七十而致事。致為

臣而歸。則又有納之意。與盡之意。凡此皆難以一字通解也。今人謂招致

者。亦有取意也。禮方齊。殺王姬之喪。當為告。古毒反。聲之誤也。告。下告上

之辭。故誤為殺。父母之喪。哭無時。使必知其反也。知當為如字之誤也。言

父母之喪。號哭思慕。如欲父母復反。陳旅安雅堂集致亭記。魯郡王致道

先生因其字。而名曰亭曰致亭。蓋取魯論所述于夏之言也。致道使余記

之。屢辭弗獲。乃言曰。儒者之任甚重也。道甚遠也。而吾欲以眇然之身。任

其所甚重。而必至其所甚遠者焉。亦難矣。是故君子之教人也。必考前言

以審其所嚮。求往行以迪其軌轍。身喜車也。載之不可不弘。氣喜馬也。策

之不可以不力。志喜御也。待之不可以不敬。夫如是。則庶乎重與遠者之

可至也。易之文言。傳曰。知至至之。知終終之。以剛健而致力於學。亦莫重

與遠之有哉。致道登歲。屏棄俗事。聚書嶧山之幽。晝誦而夜思。蓋欲約羣

籍之浩然者。而會通之。亦良勤矣。學成賓興。遂推進士第。學者私相敬曰

先生為學。猶農夫之治穡事也。今其獲矣。吾不可不致力於學乎。夫道聞之曰。吾之為學。非欲致進士而止也。周子不云乎。士希賢。賢希聖。聖希天。吾雖不敢妄意古人所造之地。然日有孳孳。不敢半塗而自畫也。是故致道所以名亭之意。余又聞致道。曩居嶧山。寔漢韋賢讀書之所也。因為誦韋氏之詩曰。誰為華高。企其齊而。誰謂德難。厲其庶而。讀書此以為記。致道名思誠。學行純正。士林之望也。果官翰苑。其文又益著云。江湖復集。宋謙父四時佳致。而勢東湖勝。翛然宅一區。靜惟仁者樂。善。迺辨之徒。秋勁剛詩筆。春融點易朱。小憩梅竹瘦。不識世榮枯。

置

洪武正韻知勢切。置而立也。詩置我執鼓。又驛也。馬通曰。置。步逆曰郵。漢書有使宜。因驛置以聞。師古曰。即今驛馬也。黃霸傳。郵亭。師古曰。行書舍。傳送文書所止處。孟子遠於置郵而傳命。又設也。安也。赦也。建也。措也。棄也。又音治。許慎說文圖。赦也。从网直。陟吏切。徐錯通釋。直與罷同意。非聲亦會意。置之則去之也。竹記反。顧野王玉篇。竹利切。又安置。猶吏切。顏元孫干祿字置。置。上通下正。丁度集韻古作發。置。又直吏切。樹也。周禮。凡試廩事。置而播之。戴侗六書故。按置之用於經傳者。一曰廢置。建也。周禮曰。置以馭其行。廢以馭其罪。傳曰。建置豐氏。孟子曰。置君而後去之。二曰錯

永樂大典卷萬三千四百九十五

十八

置舍也。與寘通。易曰。寘于叢棘。詩云。寘彼周行。傳曰。儲盤。寘。置壁馬。又曰。置。虛命微。歐陽德隆押韻釋疑音值。釋行均龍龕手鑑。置。俗音置。正作置。買。新藏作買。在高僧傳上性中。韓道昭五音類聚。真。陟記切。撮古文置字。楊桓六書統。知母圖。原聲熊忠韻會。舉要次商。清音。趙謙聲音文字通。赦也。直者不當罪而罔之。知其真。則置而不問。故从网直為置。與罷同意。因借安設也。詩置我執鼓。俗音植不出。又驛館也。馬通曰。置。步逆曰郵。傳舍也。韻會定正字切。知真。禮置。

兼書

鳳

鳳

鳳

鳳

鳳

鳳

徐鉉錄

置

置

置

置

置

置

草書

置

置

置

置

置

置

五置

羅泌路史黃帝紀。黃帝命匠營國。國中九經九緯。五置而有市。市有館。以俟朝聘之需。

先置

漢制。叢錄。天子

凡所行幸出入。有司先置供具於前。故楊雄校獵賦云。先置乎白楊之南。昆明靈沼之東。謂此。燕王旦等言。霍光出都。隸郎羽林太官先置。蓋以借

擬之非

驛置

漢書李陵傳。有

郵置

西漢博聞郭太傳。注云。說文曰。郵。境上傳書舍也。步

逆曰郵。馬速曰。其廣雅曰。郵。驛也。置。亦驛也。風俗通曰。漢改郵為置。置者度其速近之間置之也。

廐置

史記田儋傳。田橫廐與

其客二人乘傳詣雒陽。未至三十里。至尸鄉廐置。注。廐。初曰。尸鄉在雒陽。增曰。廐。置。馬以傳驛也。

傳置

文紀太僕見

皆以給傳置。文記正義曰。樂產云。傳置一也。謂乘傳者以傳受君命。乘置者以置馬取用也。續漢書云。驛馬三十里一置。廣雅云。置驛也。師古曰。傳

張懸反。置者置傳

疾置

西漢博聞江充發兵入丞相府。是時上避者。甘泉宮。丞相長史乘疾置以聞。師古曰。疾。謂

善置

史記曹參世家。取陽狐父祈善置。文類曰。善置。置名也。音灼曰。祈。音。孫檢曰。漢謂驛曰置。善。名也。書隱曰。司馬

彪。郡國志。殺縣有新亭。劉氏音連。又如字。善置。置名。漢為驛置也。

十里一置

東漢書和帝紀。舊南海獻龍眼荔

枝。十里一置。五里一堠。注。善。驛也。海錄碎事。漢永元中。交州進荔枝龍眼。十里一置。五里一堠。奔騰死亡。惟猛獸之害。無救於時。唐堯。字伯游。為臨

武長。上書言

倒置

莊子繕性篇。故不為軒冕肆志。不為窮約趨俗。狀。和帝罷之。其樂彼與此同。故吾憂而已矣。今寄去不樂。由是

觀之。雖樂未嘗不荒也。故曰。喪己於物。失性於物者。謂之倒置之。既韓元吉登對錄。元吉對曰。祖宗朝。選人上殿。多與改合入官。今乃於薦未改官

者。陛下却自擇退。則恩怨倒置矣。獻言者實不思也。設若上殿後皆放。以則一年之間。不知幾人。豈足為異恩哉。

拄置

西漢

域傳。宣帝時。元始中。車師後王國有新道。出五船北。通玉門關。往來差近。戊巳校尉徐普。欲開以省道里半。避白龍堆之阨。車師後王姑句。以道

當為拄置。注。師古曰。拄者。支柱也。古有所置立。而又拄於己。故心不便也。梧音竹。羽反。又音竹。具反。其字從手。而讀之者。或不曉於拄為拄柱之柱。

樹置

世說新語

及分破其句。言置柱於心。甘夫之矣。心不便也。地。又願與匈奴南將軍地接。普欲分明其界。然後奏之。

始欲下都處。樹置。先遣參軍告朝廷。諷旨。時賢祖。遊車騎。尚未鎮壽春。瞋目厲聲。語使人曰。卿語阿黑。教小字也。何敢不遊。催攝而去。須臾不爾。

天置

海錄碎事。沙鉢略上表。隋文帝。標置。南

永樂大典

卷一三四九五

二融傳。融踪於名利。自恃人地。三十內望為公輔。初為司徒法曹。詣王僧祐。因遇沈昭略。未相識。昭略屢顧盼。謂主人曰。是何年少。融殊不平。謂曰。僕出於扶桑。入於陽谷。照耀天下。誰云不知。而卿此問。昭略云。不知許事。且食蛤蜊。融曰。物以群分。方以類聚。君長東隅。居然應嗜此族。其高自標置如此。晉史揮塵劉悛。字真長。桓溫嘗問悛會稽王談更進邪。悛曰。安

置

資治通鑑隋紀。開皇九年。帝以陳叔寶子弟既多。恐其在京城為非。乃分置遠州。給田業使為生。歲時賜衣服以安之。近事會元後唐末帝清泰元年十月。罪興州刺史馮暉。坐屯乾渠。為蜀人來侵。奔歸鳳翔。配同州衙前安置。自此始也。元一統志。呂大防。宋元祐為相。使元祐之政。有嘉祐忠厚之風。可謂賢明矣。紹聖初。宰相章惇。誣以罪責。居安州。大防之兄大忠。以實文閣直學士。知秦州。入奏事。哲宗曰。大防朴。為人所責。三年。又當相見。博聞之。惟乃諷言者詆斥。再責舒州團練副使。循州安置。未踰嶺卒。年七十一。循人敬慕。大防聞其謫居。皆爭以先親為情。遠聞。莫相與歎惜。曰。山川不靈。此老不來。為吾州重。李綱。宋建炎元年。自澧州安置。移萬安軍。十一月二十五日。南渡至瓊州。後三日。德音聽還。以十二

月五日止歸。題于遠華館。綱未往。鯨波。初不以憂患熏心。作乘桴浮于海賦。劉子羽。宋紹興八年。漳州安置。子羽進論兵事。與新論不合。故也。趙鼎。宋紹興九年。與秦檜論和戎。及議宗子出閣不合。安置湖州。後移吉陽。又趙柱之遺史云。紹興十七年八月。趙鼎安置在海外者凡數年。秦檜降朝旨。令吉陽軍月具存亡。中尚書省。鼎遣人呼其子汾至。委之曰。檜必欲我死也。我若不死。必當誅及一家。死則汝曹無患矣。付以後事。不食而死。年六十三。又容齋隨筆云。紹興中。趙忠簡公謫朱崖。士大夫畏秦禍。不敢寄聲。張淵道為廣西帥。遣書持藥。及酒麵為餽。忠簡答書。今存於張氏。鼎自吉陽軍安置。時鼎子汾力請侍行。鼎不忍使之俱死瘴地。乃手書付曰。紹聖初。呂微仲丞相謫嶺外。惟一子曰景山。愛之。不合同行。而景山堅欲隨去。將過嶺。呂顧其子謂曰。吾萬死何郵。汝何辜。欲俱死瘴鄉乎。我不若先死。猶有後也。呂遂縱飲而死。吾不令汝侍行。亦微仲意也。微仲。大防字也。景定中。陳宗禮以提點廣南刑獄。巡按所至。皆唐宋名賢謫所。會聞吳潛安置循州。宗禮賦詩曰。六絲不枉行千里。多少派人謫籍香。語聞亦坐貶。吳潛字毅夫。宋開慶己未十月。再相居左席。明年庚申。改元景定。潛以江上有大敵。先請下罪己詔。丁大全雖罷相。而朱熹之徒在樞府。密

請遷都。潛折之曰：是無國也。上欲議建儲。潛請少緩。學校上書排斥丁大全。董宋臣潛奏合大全致其事。宋臣送安吉州居止。又上八根之疏。所以規切人主病根深矣。殿中侍御史沈炎知理宗不悅於潛。即入疏劾。潛罷政。御批有謂其潛力在大全。力搖國本。力主遷幸。以此罪之。會貴似道自江上歸。為右揆。而小人又間謀。言斷橋之役。諸將知有趙葵。不知有公。蓋吳左相以公上流懸隔。貴公必死火矣。幸而公亟至齊安。始行右丞相事。號召諸將。遂成大功。由是似道有愠色。理宗語輔臣及經筵官曰：吳潛棄時驚。朕因其去也。朕之疼十減七八。或者謂奉天之平。追離陸贄言。無以異此。炎等屢入奏劾潛。因及大全。自是黜謫。潛必與大全並命。楊棟謂江萬里曰：吳毅夫得罪於陛下。不得罪於天下。大全得罪於天下。不得罪於陛下。萬里然之。遂宣言於眾。萬里坐罷。政宗正少卿劉震孫在似道坐中。起曰：吳毅夫南行。公當救止。不然。無以自白於天下。似道勃然。明日震孫罷去。潛由建昌軍。再責授潮州節度副使。循州安置。景定三年十一月也。潛居貢院。郡守劉宗中觀望。廉肉常不繼。夜遣卒擊柝傳呼。其所以侵辱者至矣。循士莫不唾罵宗中。而歎息於潛也。景定末。潛有詩曰：生在雪川烏墩鎮。死在循江貢院中。這場雜劇真好笑。來時無物去時空。遂擲

永樂大典卷一萬三千四百九十五

十一

筆而逝。年七十。宗中走書至行在。揚言吳潛之死。實有功。責報甚至。尋以臺疏重責。公論快之。咸淳五年春。度宗夜夢。潛白衣伏於殿下。遂有復少保。仍舊許國公。諡莊愍之命。賈似道謂出命太重。封還之。僅復紫金光祿大夫而已。方輿勝覽。劉安世。宋紹聖初。張子厚入相。公謫知南安軍。又貶英州。徙梅州。先生謫南七年。未嘗一日病。問其故。則曰：絕慾。斷酒。以是無恙。後北歸十年。壽幾八十。張致遠詩。曾井有泉消毒瘴。程江無屋祀高賢。孔平仲。坐黨籍。英州安置。輿地紀勝。陸升之。字仲高。會稽人。任浙西提舉。紹興二十四年。以言事。忤時宰。安置雷州。三十二年。詔許自便。宋許景衡。橫塘集。宋將責授單州團練副使。永州安置。制。朕昭示好惡。犬判淑慝。悉屏姦巧。投昇夷裔。不獨少清於仕籍。庶幾大正於邦刑。爾以浮薄之資。席世家之舊。粵從早冗。依憑親黨。出守節藩。入貳省省。華除要職。談笑得之。比緣奏稟。稱造語言。敢爾面諛。且陳已力。徇私背公。嗟爾何至於此。以無為有。聞者為之憤然。向覽彈章。如從薄責。而公論未允。言者弗置。其以散秩斥之。荆蠻。服我寬矜。毋忘循省。李莊簡公集。董移郴州安置。謝表。久拘海島。已為終老之期。亟徒近藩。復有再生之望。恩深難報。感極涕零。十謝伏念。臣賦性顛蒙。天資狷淺。孤忠自許。獨立無朋。通列肯居。本求

協濟榻前論事。豈敢雷同仰憑聖主之當陽不顧權臣之在側。果遭奇中卒蹈危機。飄泊一身。遺流萬里。黎蠻雜處。魑魅為羣。二子喪亡。全家隔絕。寄隻身而無託。撫孤影以自憐。敢謂聖慈俯矜愚昧。察其老元之無日。示以歸塗之有期。此蓋伏遇皇帝陛下。獨運乾剛。躬持慈實。聰明不作。而百度自正。神武不殺。而萬國咸寧。遂令管州之傲。均被雨露之潤。臣敢不益堅晚節。誓竭愚忠。行步龍鍾。莫展驅馳之力。壯心消墮。難陪帷幄之謀。欲酬隆天厚地之恩。但有銜環結草之報。瓊州安置謝表。臣某言。今年二月十六日。準藤州公文。送到尚書省劄子。三省同奉聖旨。移臣瓊州安置。臣舟於當月二十日起離藤州。至三月十五日。已至瓊州。賊所訖者。投寘嶠南。採公言而未厭。竄流海外。據罪戾以猶輕。帳來日之無多。豈生還之敢望。徒悚結草莫報之恩。十州伏念。臣寒苦立身。間關出仕。躬受聖神之眷。屢更要劇之除。越自從班超預機政。而臣剛褊自任。慙愚不移。器小疾顛。亟投閑而置散。根孤易拔。萃負累以招尤。顛九死以猶甘。雖三黜而無憾。捫心自訟。沒齒何言。空貽歲月之多。難道簡書之長。尚全視息。未即誅夷。此蓋伏遇皇帝陛下。舜孝格天。堯仁覆物。干戈戢戢。故得百姓之歡心。溫清不違。以盡一人之榮養。有如草芥。咸被矜容。而臣年僅七旬。父拘

永樂大典卷萬三千四百九十五

五

囚於瘴地。行踰萬里。更冒涉於鯨波。伏望憐臣奉事之有年。憫臣廢黜之久。稍回眷遇。曲賜保全。大明中天。庶容光之必照。時雨及物。幸枯枿之再生。永依樵牧之羣。以畢桑榆之境。移昌化軍安置謝表。十年遠徙。猶冀生還。三黜愈嚴。未知死所。鴛鴦失據。危涕自零。十州伏念。臣性實懇愚。老益頑鄙。遭時遇主。妄有意於功名。抱槩懷鉛。本無稱於翰墨。年齡衰晚。志氣凋零。久非處於黎蠻。唯歸依於佛祖。每師遜瑗深悟。已非敢效。鄭人妄議朝政。而臣子孟堅。平居里巷。不擇交游。怨咎橫生。語言妄發。納官贖罪。罕達國士之知。下石反擠。近出鄉人之手。仰恃聖神之眷。未加斧鉞之誅。恩重命輕。咎深責重。此蓋伏遇皇帝陛下。體天地之大德。擴日月之盛明。憐臣嘗冒近班。念臣頻更煩使。年同絳老。宜久辱於泥塗。罪比虞翻。盡永拘於海島。捐軀無路。沒齒何言。趙忠正德文集。謝到潮州安置表。省躬知過。宜湯網之不遺。屈法施仁。荷先雲之曲庇。徒知幸免。何以自容。十州伏念。臣才不通方。力難任重。冒竊寵靈之久。積成叢戾之多。屢揣夙以祈閑。亦蒙恩而賜可。而臣憂志踵至。羸瘵日增。始抱疾以還家。即銜悲而哭子。齒髮凋悴。於感傷之後。精神昏耗。於驅馳之餘。其誰為之。無足憐者。載念百為之俱誤。真之九死以奚逃。自信直前。安處危機之上。執迷不

送卒投罪苦之中幸沐洪私止流荒裔聞命就道寧辭險阻之備嘗杜門
省愆更覺悔尤之自取嗟臍莫及流涕何追此蓋伏遇皇帝陛下天度并
包離明旁照四全體親獎勵臣工憐臣替履之餘嘗叨顧遇察臣桑榆之
暮不足誅夷臣敢不上謹不殺之仁益勵自新之志身留漳海分甘老於
漁樵日斷雲天心亦傾於葵藿謝到吉陽軍安置表一請五年各將
誰執再投萬里賊本自貽罪大難名思深莫報十州伏念臣起從孤遠幸
際休明被眷知叨逾寵數既昧禍福之倚伏不虞罪惡之貫盈宜自省
循益昧周慎天其或者將必至於顛隕臣猶知之固難逃於誅罰苟全腰
領有愧面顏此蓋伏遇皇帝陛下性臨亮仁躬行舜孝王者之法難犯固
有刑章聖人之德好生終歸善貸如臣緣戾尚辱哀矜白首何歸改餘生
之無幾丹心未泯誓九死之不移宋蘇東坡集謝惠州安置表仁聖曲
全大欲界之民社羣言交擊必將致之死亡尚荷寬息止投荒服臣十謝
伏念臣性資褊淺學術荒唐但信不移之愚遂成難赦之咎迹其狂妄久
合誅夷方尚口乃窮之時蓋摧髮莫數其罪豈謂天幸得全此生此蓋伏
遇皇帝陛下以大有為之資行不忍人之政湯網開其三面舜干舜于兩
階念臣奉事有年少加憐憫知臣老死無日不足誅鋤明降德音許全餘

永樂大典卷萬三千四百九十五

三

息故使隨之馬猶獲蓋惟嚴賦之牛得道刀匕臣敢不祇膺嚴訓託命
至仁洗心自新浸齒無怨但以瘴癘之地懸懸為憐衰疾交攻無復首丘
之望猶誠未泯

措置

朱子語續錄謝安之待桓溫本無策桓溫之來
廢了一君幸而桓溫要討九錫要理資序未至

太甚猶是半和秀才若他使做箇二十分賊如朱全忠之類更進一步安
亦無如之何王儉平日自比謝安王儉是已敗闕底謝安謝安特幸未誅
脫底王儉耳安比王儉只是有些英氣符堅之來亦無措置前輩云非晉
人之善乃符堅之不善耳然堅只不合擁衆來謝安必有以料之兼秦人
國內自亂晉亦必知之故安得以鎮靜待之堅之來在安亦只得發兵去
迎敵當來符堅若不以大衆來只以輕兵特授晉遣使生見狼狽因問正
淳曰桓溫移晉祚時安能死節否正淳曰必不能却須逃去曰逃將安往
若非死節即此面事賊耳到這裏是染底處中間更無空地因說韋孝寬
智畧如此當揚堅篡周時尉遲迥等皆死孝寬乃獻金契斗始嘗疑之既
不與他為異亦何必如此至附結之元來到這地位使不與辨亦不免死
既不能死便只得夫節耳又曰謝安之與符堅如近世陳晉公之於元顏
亮幸而甦得他死耳伯豐問寇萊公澶淵事如何曰當來他却有措置然

永樂大典

卷一三四九五

到此只得向前不可退後也。宋李忠定公集與李尚書指畫一劄子。某竊觀六朝於上流重地必擇名臣為之帥守使自為家計乃能鎮撫一方。屏翰王室皆有實效不事虛文私竊慕之。故自到豫章以來修築城池為可守計創置營房使兵民不相雜處繕治器甲修造官府倉庫措置財賦蓄積金穀團結軍伍招捕盜賊皆幸稍稍就緒庶幾古人之萬一少副朝廷委任之意今具下項一修築城池。洪州城池北面尤為闊遠皆係荒閒田地無人居止又城外一帶盡是漲沙高與城齊可以下瞰城中若欲為可守之計其勢不得不修治因朝廷有感減指揮具奏條陳利害且乞給降空名告勅等得旨給空名告勅五萬貫自去年收買木植燒燬磚甃等至今春興工止是本州廂軍壯及他州剋剋到兵卒共五百餘人漸次修築至夏末秋初方借寺觀壯夫以助工役日給錢米月有犒設皆大使司辦給並不支用漕司經費至十一月半畢工為城七百二十丈壕與城等為樓櫓一百二十餘坐計七百餘間為城門十有一所計三十餘間器具皮雜砲座等併舊城皆一新未嘗調發民戶一夫無顆粒分文歛於民者用新磚百二十餘萬口皆自置窯燒變及令密戶高價攬撲皆有數在工房可稽考也恭發到豫章日願一登新城按視及登新舊城以望漲

永樂大典卷萬三千四百九十五

二百

洪州自兵火之後營房並無存者廂禁軍與民雜處不可鈐束兼得朝廷指揮每歲防秋許勾抽本路隸將不隸將兵按閩使喚亦無寺觀屋宇可以屯泊不免建置營屋大使司支錢與諸州收買木植及令諸縣根括戶絕拋棄屋宇拆移改造置營房三千餘間並係瓦屋除撥付本州廂禁軍逐營外造客軍營房一所五百餘間見今屯泊諸州及步諒軍馬使司工房及洪州工業皆有陶籍具在可稽考也一繕治器甲。大使司元降畫一撥兵二萬人自近年以來並撥付都督行府及岳飛下去年春乃無一人一騎留者併與器甲軍須一切席卷而去某去歲到官檢視甲仗庫空空如也。因奏朝廷乞降告勅以漸製造督責兩作院嚴其課程又分委諸州製造逮今已積三千餘副金鼓旗幟弓弩刀槍之類率皆新置又以格式造戰船戰車三勝弓合蟬弩等皆有名色數目在工房願恭發因暇日試閱視之。一建置官府倉庫。洪州素無吏舍止以設廳前廊屋為之難以檢察因規度都廳之南造使院三十間以居羣吏卻以設廳前舊吏舍分置甲仗激賞營田儀從添賜等庫下馬門外舊皆草屋為造房廊數十間收其直歸公使庫州學舊未全備為增修兩廊齋舍等五十餘間大堂倉自兵火後全無屋宇

為造新放八座計四十餘間以貯大使司并常平司米斛前此並無教閱之所為造新兵射廳及閱武堂防城器具之類不可無安頓去處為造東南壁及西北壁防城庫兩所共四十間無館賓客之所為置侯參謀宅以充行衙見今貫路分居止皆有數日在工房一措置財賦洪州前此財賦所以匱乏者非唯以年凶民貧用度廣之故不治其源使之然也諸縣者財賦之源置而不問每遇緩急窘迫之際乃召縣令使之甘認應副豈非倒置乎某自到任將諸縣合納案名錢一切根刷見名色將本縣合支用之數分撥案名存留應副外自餘并諸司錢物並令解州次月五日前到違限者治之又每季因通判行縣委之刻刷以此源源而來不絕官吏軍民請受並按月排日支給軍衣之類亦前期椿辦不闕月椿錢最為難辦本州應副岳飛月六千餘緡田邦直月一千二百餘緡養申世景共月九千餘緡凡一萬六千餘緡此皆的確不可闕者今月椿庫常有二三萬緡見管蓋緣中間力申朝廷理會減免每月折帛錢三千餘貫及撥到發運司二分錢及米墨勘合錢等所以粗有贏餘又每差使司回易官載米斛前去湖北回易免撥應副岳飛軍中既有利息又省腳費此不可不知也某去歲初到官日大軍倉米止有四石六斗軍資庫錢止有二百餘

永樂大典卷萬三千四百九十五

二十五

貫今錢貫米數頗多於前日春衣錢亦已椿下二萬貫幸取倉庫都府及粟支府試閱視之一積蓄金穀使司金穀頗有積蓄未嘗有耗耗取於民者皆係措置回易均節用度收拾夫陷所致近交割與權官錢約計七十餘萬緡米計八萬餘石州縣之數不在是也亦嘗具數中奏朝廷近聞有金字牌撥錢二十萬緡銀二十萬兩金三百兩赴江州椿管聽候朝廷指揮取此猶可若再取即不堪命矣所以積蓄得此錢米者蓋緣每百刀申明朝廷若一切委隨則掃地皆盡矣於中米猶可惜去歲初到升百三十秋得一稔升十數文寸積銖累以及此數若不妄散以陳易新可以常為洪州之根本非細事也洪州歲用米八萬餘石而所得耗米止及其半何以支撥此亦須有以處之方欲申明洪州聚三司官吏數倍他州而所待耗米絕少何以能給謂如安撫司漕司官吏自當責辦一路宜於言撫等州耗米多處約度應副乃為長久之策更在裁度也一團結軍伍大使司初有兵二萬人至去年春尚有數千人朝廷撥與岳飛連無一人一騎留者某自行在乞得中世景軍將帶前來纜及千人其後累乞兵于朝廷止是關送都督行府及乞兵于都督行府報云候有驚急日遣發然竟無一人一騎來者既而有淮上之捷俺倖少安自今年春以賊盜

紛擾之故。屢次申陳。蒙朝廷差到李貴步諒軍馬各千餘人。今秋並勾赴本司教閱。以中景世將本軍為前軍。賈和仲將諸州起發隸將不隸將兵為左軍。任仕安將洪州禁軍為中軍。李貴步諒各將本部兵為右軍。後軍共六十餘人。團結教閱。軍聲粗振。然其間如申世景李貴步諒之軍。多西北人。差可用。如本州及諸州兵。但可張聲勢耳。此五統制者。皆一時之選。更在有以駕馭激勸之也。一招捕盜賊。本路盜賊度為最。吉撫筠素次之。去年到任之初。遠方人但聞遣一前宰相為大使。意謂統兵必多。往往敢服。其後度守孫邀功生事。致度寇已受招安者。遽起。我破吉州。賴本司遣兵襲逐破之。復歸巢穴。然所遣不過數百人。羣盜窺見鮮少。遂相敦學。紛紛不已。延及撫吉筠素。亦有竊發者。所幸將士用命。招捕一火。了當。又措置一火。方漸衰息。至秋初。得張系直來守虔州。相與商議措置。又得朝廷差李貴步諒兩軍前來。渠魁如周十隆謝小鬼等。悉就招撫。如劉宣熊定李安靜等。悉就擒捕。凡招捕過羣盜六十餘火。其間每火有至數千人者。皆有人數姓名在刑房。亦嘗開具申奏。今一路盜賊有名字者。悉已淨盡。大抵江西民俗。曠悍。輕生喜亂。有仇殺之風。全在巡尉得人。於其微時。用心緝捕。無使滋蔓。則亦不能為大害也。要當使之伏業田畝。而無科

須之擾。迺為上策耳。前件八事。設以說聞。亦舊令尹之政。必以告新令尹之意。幸冀昭察。宗澤忠簡公集奏乞過河措置事宜劄子。建炎元年九月。臣契勘河北西路。真定懷衛瀋等處。見有番賊占據。今又分留賊馬於沿州四向。剽寨。密我鹿角。意欲攻打。若河西諸州不守。即賊之姦計。包藏不淺。京師雖為備禦。未易可居。臣為見有上件事宜。已於今月初七日。統押人馬。自游家渡過河。會約河西忠義統制等商議。隨宜措置。若事理可行。即一面招集同心叶力。以圖收復。安集流移。為久遠利。若賊勢厚重。不可施行。即其所見利害的確便宜。畫一敷奏。伏望聖慈。體念河北繫天下根本。河北不守。則干戈方未易索戢。臣每思前日之失。蓋由將相恃賴太平。恬不為悔。朝進一言。暮入一說。惟以講和乞盟為意。今更滋襲。不修武備。臣竊憂之。兵法曰。先為不可勝。以待敵之可勝。臣不撥衰滿無能。見過河相度。別具奏聞者。

處置

識遺三大處
置 漢初病

於諸侯強大。主父偃建分王諸侯子弟之說。諸侯遂弱。唐衰。病於藩鎮跋扈。趙普建收其精兵。制其錢穀之計。藩鎮遂消。宋南渡息兵。張韓劉岳。擁兵方面。不釋秦檜各除樞密使。召之。由是兵權去手。偃之說。賈誼發之。普之說。烏重胤發之。檜之策。范同言之。但偃普忠謀。檜則姦謀也。處置兩

得。處事有任理而行。成敗聽之自天者。有苟一時之安。成敗徐為之圖者。有不擇利害。不量彼己。成敗付之幸不幸者。余謂付之幸不幸。無所處置者也。苟一時之安。強於處置者也。任理而聽其成敗。終於處置者也。若姦雄睥睨之秋。反側危疑之際。膠則失於知變。強則不免遺禍。幸則存亡立判。欲我不失體。彼得無必詞。最難兩得。嘗讀史數事。掩卷。裁以己見。然後知古人不可及。唐德宗即位。銳意除藩鎮。藩鎮憚其威。淄青節度李正己表獻錢三十萬。蓋嘗朝廷也。德宗欲受。恐見欺。不受。又逆其來意。時崔祐甫為相。請遣使就慰勞。淄青將士。因以正己獻錢頌之。使人人戴上恩。又諸道聞之。知朝廷不重貨財。正己大漸。宋真宗時。西夏納款。因言國饑。乞糧百萬。蓋借恤災。覘宋也。時王旦為相。請具報京師。詔彼自道人。未取。夏去。汗懸隔。自取得不補失矣。西夏得詔。謂朝廷有人。後元昊復叛。及將約款。先令貴臣野利以書通朝廷。朝廷復書。議所以稱。或請尊以太尉。龐莊敏爭之曰。太尉國之三公。待陪臣以此。待元昊將如何。今野利書來自稱寧令。此其國之官稱也。依此稱之足矣。宋初與契丹講和。或言稱北朝。王沂公乞只稱契丹。紹興中。韓世忠守淮。以所部兵少。乞摘張俊部趙密一將為助。俊疑世忠吞己。非命不允。時趙鼎為相。撥御前楊沂中一將助。

世忠。而抽趙密入衛。俊延無辭。又時陳規守德安。盜李橫圍城不解。久則假乞糧規。規予之。繼又指名索籍。奴奴雖末節。而大體辱矣。規命斬奴。首付之。橫大沮。此於古人行一不義。殺一不辜。得天下不為之意。雖不相似。然執小義。妨大權。王通以為皇之不極。則有捐一人活千萬人。亦權變之機也。近時孟無庵。以荆房將某謀叛。事頗彰著。會卒白某者。請即府發其姦。無庵集佐屬議。或請發兵。或請招安。無庵聞發兵語。一笑。問若何招安。又卒無善策。明日無庵自批。斷云。白某敢誣守將。實犯階級。斬首送本軍。號令。然房州激此。必錢糧不敷。幫給不時。今於制司支錢米若干。下本軍。博搗一次。卒首至房。叛將大安。博搗既行。士皆雷動。越數月。蜀有警。調房守赴援。因移其兵。權置法焉。廟告卒于房。追錄以官。禮賞其妻。于不煩。干戈坐消。一城之變。時應山李庭芝。參其幕言。無庵不惜一人之命。以全千萬人之命。真是帥才。余聞之。應山客劉清臣。特置

後天布置

鄭餘係中天。述致動萬物。

負。然已有負外置。後又有特置。同正負。者莫疾乎雷。挽萬物者。莫疾乎風。燥萬物者。莫煥乎火。說萬物者。莫說乎澤。潤萬物者。莫潤乎水。終萬物始萬物者。莫感乎艮。故水火相逮。雷風不

永樂大典

卷一三四九五

相恃。山澤通氣。然後能變化。既成萬物也。此言後天之布置也。

衡邪異置

羅泌路史發揮論幣所起篇。聖人所以

立制度而示同文也。雖貧猶遺形。衡邪異置。然固有便於事。亦遂相因而不改者。

彼此相鈍置

禪林

傳揚岐會禪師問僧曰。敗葉堆雲朝。誰何處對曰。觀音。曰。觀音。脚跟下一句作麼生道。其僧無對。會曰。第二上座道者。亦無對。會曰。彼此相鈍置。詳

本傳。**思而不置**

元王禪總管王公碑。過政令之不便。時俗之未安。思而不置。憂形于色。

永樂大典卷之一萬三千四百九十五

重錄總攷官序郎 奉 鳴 謝

學士 王 大 林

分 校 官 修 撰 丁 士 美

書 寫 簿 士 章 伯 輝

圖 照 監 生 馬 承 壽

色 地 界